
OPERATORI I BLERJEVE TË PËRQËNDRUARA SH.A

Data: __.04.2025

PROCESVERBAL – Tipi i kontratës - Mall

**PËR ARGUMENTIMIN DHE MIRATIMIN E SPECIFIKIMEVE TEKNIKE DHE
KRITEREVE PËR KUALIFIKIM**

(Ky procesverbal është për efekt publikimi bashkë me dokumentet e tenderit)

**OBJEKTI I PROCEDURËS: “BLERJE PAJISJE MOBILIERIE PËR SHKOLLAT E
ARSIMIT BAZË DHE TË MESËM” - MARRËVESHJE KUADËR”.**

KODI PËRKATËS NË FJALORIN E PËRBASHKËT TË PROKURIMIT (CPV): **39150000-8**
(Mobilje dhe pajisje të ndryshme).

VLERA E FONDIT LIMIT: **141,677,237 (njëqind e dyzet e një milion e gjashtëqind e shtatëdhjetë e shtatë mijë e dyqind e tridhjetë e shtatë) lekë pa TVSH dhe 1,424,894 (një milion e katërqind e njëzet e katër mijë e tetëqind nëntëdhjetë e katër) Euro pa TVSH.**

Kursi zyrtar i këmbimit sipas Bankës së Shqipërisë në datën 03.04.2025 është 99.43 Lekë.

Në bazë të nenit 21, pika 2, të Ligjit nr.162/2020 “Për prokurimin publik” (të ndryshuar) nenit 2, pika 2/c dhe nenit 78, pika 2, të VKM-së nr. 285, datë 19.05.2021 “Për miratimin e rregullave të prokurimit publik” (i ndryshuar), Autoriteti/Enti Kontraktor, Operatori i Blerjeve të Përqendruara në rolin e organit qëndror blerës, ka hartuar procesverbalin për argumentimin dhe miratimin e specifikimeve teknike dhe kriterëve për kualifikim për procedurën e sipërcituar, me përmbajtjen si më poshtë:

I. KRITERET E VEÇANTA TË KUALIFIKIMIT

1. Ofertuesi duhet të paraqesë:

a. Formularin Përmbledhës të Vetëdeklarimit, sipas Shtojcës 9;

b. Sigurimin e Ofertës, sipas Shtojcës 4;

Argumentimi: Kriteret e mësipërme janë vendosur në përputhje me Nenin 82 “Formulari përmbledhës i vetdeklarimit” dhe Neni 83 “Sigurimi i ofertës”, të Ligjit Nr.162/2020 “Për Prokurimin Publik” i ndryshuar si dhe në mbështetje të nenit 26, nenit 30, pika 1, të VKM-së Nr.285, datë 19.5.2021 “Për Miratimin e Rregullave të Prokurimit Publik. Neni 83 “Sigurimi i ofertës” i LPP-së në të cilën është e përcaktuar se: “Autoriteti kontraktor duhet të kërkojë paraqitjen e sigurimit të ofertës nga ofertuesit në të gjitha llojet e procedurave të prokurimit, me përjashtim të procedurave të prokurimit me vlerë të vogël”, Neni 82 “Formulari përmbledhës i vetdeklarimit”, i LPP-së përcaktohet se: “1. Bashkë me dorëzimin e kërkesave për pjesëmarrje ose të ofertave, autoritetet ose entet kontraktore pranojnë si provë paraprake në vend të disa vërtetimeve të lëshuara nga autoritetet publike ose palë të treta, formularin përmbledhës të vetdeklarimit, sipas parashikimeve të këtij ligji. Përmbajtja e këtij formulari përcaktohet në rregullat e prokurimit publik”.

2. Kandidati/Ofertuesi duhet të dorëzojë:

2.1 Kapacitetin profesional të operatorëve ekonomikë:

Referuar pikës 1 të shtojcës 8, ofertuesi duhet të deklarojë se përmbush kriteret e përgjithshme të pranimit/kualifikimit. Këto kriteret duhet të plotësohen me dorëzimin e vetëdeklaratës me shkrim të subjektit, në ditën e hapjes së ofertës, sipas Shtojcës 9.

Argumentimi: Kërkesa e mësipërme bazohet në nenin 76 “Kriteret detyruese për skualifikim” të ligjit nr. 162, datë 23.12.2020 “Për prokurimin publik” të ndryshuar dhe nenit 25 “Kriteret e kualifikimit” të VKM-se nr. 285, datë 19.05.2021 “Për miratimin e Rregullave të Prokurimit Publik” të ndryshuar.

2.2. Kapaciteti ekonomik dhe financiar:

2.2.1 Për të provuar se operatorët ekonomikë kanë kapacitetin e nevojshëm ekonomik dhe financiar për të zbatuar kontratën, duhet të paraqesin vërtetim për xhiron vjetore për vitet financiare (2022, 2023, 2024), ku vlera e xhiros për të paktën një nga vitet e periudhës së kërkuar duhet të jetë **jo më e vogël se vlera e fondit limit**. Kërkesa për plotësimin e kapaciteteve financiare konsiderohet e përmbushur nëse operatorët ekonomikë arrijnë vlerën e xhiros minimale, në të paktën një vit të periudhës së kërkuar nga autoriteti/enti kontraktor.

Argumentimi: Kërkesa e mësipërme është në nenin 77 “Kërkesat për kualifikim”, pika 3 të ligjit nr.162, datë 23.12.2020 “Për prokurimin publik” të ndryshuar, në të cilin gjejmë të përcaktuar se: 3. Në lidhje me situatën ekonomike dhe financiare, autoritetet ose entet kontraktore mund të vendosin kërkesa që garantojnë se operatorët ekonomikë kanë kapacitetin e nevojshëm ekonomik dhe financiar për të zbatuar kontratën. Për këtë qëllim autoritetet ose entet kontraktore mund të kërkojnë në veçanti që operatorët ekonomikë të kenë një xhiro vjetore minimale të caktuar. Gjithashtu, autoritetet ose entet kontraktore mund të kërkojnë që operatorët ekonomikë të japin informacione në bilanci të tyre vjetore që të tregojnë raportet ndërmjet aktivitetit dhe pasivitetit. Xhironja

vjetore minimale që kërkohet nga operatorët ekonomikë nuk mund të tejkalojë dyfishin e vlerës së parashikuar të kontratës”, nenin 43 “Kërkesat për kapacitetet ekonomiko-financiare” pika 2/a dhe nenin 47 “Procedura e hapur” të VKM Nr. 285, datë 19.05.2021 “Për miratimin e rregullave të prokurimit publik” te ndryshuar. Përcaktimi i viteve të kërkuara për paraqitjen e vërtetimit të xhiros vjetore është bërë bazuar në pikën 2 të nenit 61, të Ligjit nr.29/2023 “Për tatimin mbi të ardhurat”, të ndryshuar ku përcaktohet se: “ Deklarata tatimore vjetore dorëzohet në organin tatimor jo më vonë se data 31 mars e vitit pasardhës të vitit tatimor për të cilin dorëzohet deklarata”. Vendosja e këtij kriteri bëhet me qëllim krijim e bindjes tek Autoriteti Kontraktor, për aftësinë ekonomike dhe financiare të operatorëve ekonomik ofertues, duke vërtetuar nëpërmjet dokumenteve të kërkuara, se zotërojnë kapacitet ekonomike dhe financiare për të përmbushur kontratën sic është parashikuar nga Autoriteti Kontraktor.

Përcaktimi i vlerës së kërkuar argumentohet si më poshtë: Vlera e kërkuar jo më e vogël se vlera e fondit limit të kontratës që prokurohet është në përputhje me përcaktimet në nenin 43 “Kërkesat për kapacitetet ekonomiko-financiare” pika 2/a të VKM nr. 285, datë 19.05.2021 “Për miratimin e rregullave të prokurimit publik” te ndryshuar, ku përcaktohet se:

Pika 2. “Vlera e xhiros minimale vjetore që u kërkohet operatorëve ekonomikë nuk mund të tejkalojë: a)dyfishin e vlerës së përlllogaritur të kontratës ose lotit, në procedurat e prokurimit mbi kufirin e lartë monetar”. Në rastin konkret nga ana e Njësisë së Prokurimit është konsideruar e arsyeshme që vlera e xhiros për të paktën një nga vitet e periudhës së kërkuar duhet të jetë jo më e vogël se vlera e fondit limit me qëllim nxitjen e pjesëmarrjes së operatorëve ekonomikë në procedurat e prokurimit publik, nxitjen e konkurrencës ndërmjet operatorëve ekonomikë si edhe të sigurimin e një trajtimi të barabartë dhe jodiskriminues për të gjithë ofertuesit e mundshëm ekonomikë. Duke patur parasysh, përcaktimin e bërë në nenin 43 “Kërkesat për kapacitetet ekonomiko-financiare” pika 2/a, AK nuk mund të tejkalojë dyfishin e vlerës së përlllogaritur të vlerës së lotit në kërkesën për kualifikim, por në respektim të parimeve ligjore dhe në përmbushjen e qëllimeve të ligjit të prokurimit si më sipër cituar ka tagrin të kërkojë një vlerë më të ulët se dyfishi i vlerës së përlllogaritur të kontrates për përmbushjen e vlerës së xhiros minimale vjetore. Kjo vlerë është kërkuar duke pasur në konsideratë objektin e kontratës, natyrën dhe volumin e saj, që t'i shërbejnë autoritetit kontraktor për njohjen e gjendjes dhe kapaciteteve të operatorit ekonomik, të cilët duhet të vërtetojnë se zotërojnë kapacitetet e nevojshme ekonomike dhe financiare, gjithçka në funksion të realizimit me sukses të kontratës.

2.2.2 Operatorët ekonomikë duhet të paraqesin kopje të çertifikuara të bilanceve të viteve: (2022, 2023, 2024) të paraqitura pranë autoriteteve përkatëse tatimore. Në rast se operatori ekonomik është në kushtet e përcaktimeve të nenit 41, të ligjit nr.10091, datë 05.03.2009, atëherë bilancet duhet të shoqërohen edhe me raportet e auditimit ligjor të pasqyrave financiare vjetore, të kryera, nga auditues ligjorë ose shoqëri audituese. Kriteri konsiderohet i përmbushuar nëse në dy bilance të njëpasnjëshme nuk ka raport negative ndërmjet aktivitetit dhe pasivit.

Argumentim: Kërkesa e mësipërme është përcaktuar bazuar në nenin 77 “Kërkesat për kualifikim”, pika 3, të ligjit nr. 162, datë 23.12.2020 “Për prokurimin publik” të ndryshuar; nenit 43 “Kërkesat për kapacitetet ekonomiko-financiare”, pika 4, të VKM nr. 285, datë 19.05.2021 “Për miratimin e rregullave të prokurimit publik”, ku përcaktohet se: “Nëse vlerësohet, autoriteti/enti kontraktor mund të kërkojë që operatorët ekonomikë të japin informacione në bilancet e tyre vjetore, për një periudhë maksimumi tre vitet e fundit financiare, që të tregojnë raportet, ndërmjet aktivitetit dhe pasivitetit. Nëse kërkohen një ose dy bilance, kërkesa konsiderohet e përmbushur nëse në bilancin/et e kërkuara nuk ka raport negativ ndërmjet aktivitetit dhe pasivitetit”, si dhe në pikën 5 të nenit 61, të Ligjit nr.29/2023 “Për tatimin mbi të ardhurat”, të ndryshuar ku përcaktohet se:Tatimpaguesit që mbajnë kontabilitetin sipas kërkesave të ligjit përkatës, paraqesin deklaratën vjetore së bashku me pasqyrat financiare, si dhe të dhëna të tjera të përcaktuara në udhëzimin e ministrit përgjegjës për financat për zbatimin e këtij ligji.”, si dhe kërkesave të ligjit Nr. 25/2018 “Për kontabilitetin dhe pasqyrat financiare” të ndryshuar. Me anë të këtij kriteri, për paraqitjen e bilanceve, është vendosur duke pasur në konsideratë objektin e kontratës, natyrën dhe volumin e saj, që t'i shërbejnë autoritetit kontraktor për njohjen e gjendjes dhe kapaciteteve të operatorit ekonomik, të cilët duhet të vërtetojnë se zotërojnë kapacitetet e nevojshme ekonomike dhe financiare, gjithçka në funksion të realizimit me sukses të kontratës.

2.3 Kapaciteti teknik:

2.3.1 Operatori ekonomik duhet të paraqesë dëshmi për furnizimet e mëparshme të ngjashme të kryera gjatë 3 (tre) viteve të fundit nga data e shpalljes së njoftimit të kontratës, në vlerën jo më pak se 40% e vlerës së fondit limit të kontratës që prokurohet. Këto furnizime të mëparshme, të ngjashme, duhet të vërtetohen me dokumentacionin si më poshtë:

- a. Kur furnizimet e ngjashme janë realizuar me ente publike, operatori ekonomik duhet të paraqesë vërtetimin e lëshuar nga enti publik për përmbushjen me sukses të kontratës dhe/ose faturat tatimore të shitjes të plotësuara sipas kërkesave të legjislacionit në fuqi dhe të deklaruara në organet tatimore, ku të shënohen datat, shumat dhe sasi të mallrave të furnizuara.
- b. Kur furnizimet e ngjashme janë realizuar me subjekte private, operatori ekonomik duhet të paraqesë faturën përkatëse tatimore të shitjes të plotësuara sipas kërkesave të legjislacionit në fuqi dhe të deklaruara në organet tatimore, ku të shënohen datat, shumat dhe sasi të mallrave të furnizuara.

Argumentimi: Kërkesa e mësipërme është përcaktuar bazuar në nenin 77 “Kërkesat për kualifikim” pika 4 të ligjit nr. 162, datë 23.12.2020 “Për prokurimin publik” të ndryshuar nenit 40 “Kërkesa të veçanta për kontratat e mallrave” pika 4 të VKM nr. 285, datë 19.05.2021 “Për miratimin e Rregullave të Prokurimit Publik”, të ndryshuar, ku përcaktohet se: “Për të provuar

përvojën e mëparshme, autoriteti/enti kontraktor kërkon dëshmi për realizimin me sukses të një ose disa kontratave të mëparshme, të ngjashme, të kryera gjatë tre viteve të fundit. Në çdo rast, vlera totale e kërkuar duhet të jetë në një vlerë jo më të madhe se 40% të vlerës së përlllogaritur të kontratës, që prokurohet dhe që është realizuar gjatë tre viteve të fundit, nga data e shpalljes së njoftimit të kontratës.” Me anë të këtij kriteri kërkohet që operatorët ekonomikë të dëshmojnë që kanë përvojën e ngjashme për të zbatuar kontratën, prandaj është kërkuar që furnizimet e mëparshme të ngjashme të jenë në vlerën jo më pak se 40 % të vlerës së fondit limit. Përqindja e kërkuar është konsideruar e nevojshme për të provuar besueshmërinë dhe provojën e operatorëve ekonomik ofertues, në ofrimin e mallrave të ngjashëm me objektin e prokurimit për realizimin me sukses të kontratës.

2.3.2 Operatori ekonomik duhet të ketë të punësuar minimalisht 20 (njëzet) punonjës, të cilët duhet të figurojnë në listpagesën e shoqërisë për 3 (tre) muajt e fundit të deklaruar nga data e hapjes së ofertave, me kualifikimet/ certifikimet si më poshtë:

1 (një) inxhinier druri vërtetuar me:

- kontratën individuale të punës;
- diplomën, që të vërtetojë kualifikimin profesional të mësipërm.

Kërkesa për *1 (një) inxhinier druri* është e detyrueshme vetëm në rastin kur ofertuesit shfaqen në cilësinë e prodhuesit të mallrave.

2 (dy) marangoz/ mobilier/ montues mobiljesh/ përpunues druri vërtetuar me:

- kontratën individuale të punës;
- diplomë/dëshmi që vërteton nivelin e kualifikimit arsimor, lëshuar nga institucione publike/private të licencuara sipas ligjit nr.15/2017 “Për arsimin dhe formimin profesional në Republikën e Shqipërisë” të ndryshuar.

2 (dy) Bojaxhi/Ilustrues për prodhime druri vërtetuar me:

- kontratën individuale të punës;
- diplomë/dëshmi që vërteton nivelin e kualifikimit arsimor, lëshuar nga institucione publike/private të licencuara sipas ligjit nr.15/2017 “Për arsimin dhe formimin profesional në Republikën e Shqipërisë” të ndryshuar;

Kërkesa për *(një) Bojaxhi/Ilustrues për prodhime druri* është e detyrueshme vetëm në rastin kur ofertuesit shfaqen në cilësinë e prodhuesit të mallrave.

2 (dy) shofer vërtetuar me:

- kontratën individuale të punës ose me kontraktim.
- leje drejtimi, e vlefshme.

4 (katër) punonjës të thjeshtë/ për veprimtari ndihmëse (ngarkim- shkarkim) gjatë procesve të punës vërtetuar me:

- kontratën individuale të punës.

Punonjësit e tjerë mund të jenë me profile të ndryshme si punonjës teknik dhe staf ndihmës.

-Listëpagesat e punonjësve për 3 (tre) muajt e fundit, të deklaruar në organet tatimore nga data e hapjes së ofertave, sipas formës së parashikuara nga legjislacioni tatimor në fuqi.

Shënim: Duke qënë se mjetet e transportit, të kërkuara në këto dokumente mund të jenë edhe me qera ose në huapërdorje, përveçse në pronësi, është gjykuar e arsyeshme që punonjësit “Shofer” mund të diponohen edhe me kontraktim.

Shënim: Kriteri nr.2.3.2 konsiderohet i -përbushur me plotësimin e formularit të vetëdeklarimit shtojca 9. Dokumentat e kërkuara më sipër do të paraqiten në rast se operatori kualifikohet i pari, por përpara publikimit të njoftimit të fituesit dhe nisjes së afateve të ankimit ose nëse kërkohen sqarime nga autoriteti kontraktor.

Argumentimi: Në bazë të pikës 4, të nenit të 77, të ligjit nr. 162, datë 23.12.2020 “Për prokurimin publik” i ndryshuar ku përcaktohet se: “4. Në lidhje me aftësitë teknike dhe profesionale, autoritetet ose entet kontraktore mund të vendosin kërkesa që garantojnë se operatorët ekonomikë zotërojnë burimet e nevojshme njerëzore e teknike, si dhe përvojën e nevojshme për të zbatuar kontratën sipas një standardi të përshtatshëm cilësie. Autoritetet ose entet kontraktore, në veçanti, mund të kërkojnë që operatorët ekonomikë të kenë një nivel të mjaftueshëm përvojë që vërtetohet nga referenca të përshtatshme nga kontratat e zbatuara në të shkuarën. Aftësia profesionale e operatorëve ekonomikë për të ofruar shërbimin, punën, mallin vlerësohet në lidhje me aftësitë organizative, reputacionin dhe besueshmërinë, përvojën e duhur, si dhe personelin e nevojshëm për të zbatuar kontratën, siç është përshkruar nga autoriteti ose enti kontraktor në njoftimin e objektit të kontratës.” dhe nenit 40, pika 5/b dhe 5/c, të VKM nr. 285, datë 19.05.2021 “Për miratimin e Rregullave të Prokurimit Publik”, të ndryshuar ku përcaktohet se: “5. Për të provuar përshtatshmërinë për të kryer veprimtarinë profesionale, kapacitetet teknike dhe profesionale, autoriteti/enti kontraktor kërkon: b) një listë të personelit kryesor, të nevojshëm për të zbatuar objektin e prokurimit dhe/ose komponentët e saj. Lista e personelit kryesor duhet të përfshijë CV-të e tyre dhe licencat profesionale, kur kanë të tilla sipas legjislacionit përkatës; dhe/ose c) fuqinë punëtore të operatorit ekonomik të nevojshëm për ekzekutimin e objektit të prokurimit; dhe/ose ...”, bazuar tek legjislacioni në fuqi për prokurimet publike, kërkon të dëshmojë nga operatorët ekonomikë ofertues së pari, fuqinë punëtore të disponueshme dhe së dyti, zotërimin e kapaciteteve profesionale në varësi të natyrës së specifikimeve teknike të kontratës objekt prokurimi.

Numri i punonjësve dhe qëndrueshmëria e tyre në punë me kohështirje tre mujore nga data e zhvillimit të tenderit, tregon besueshmëri për autoritetin që, operatori do të përbushë kontratën. Dëshmia e kërkuar për numrin e fuqisë punëtore të operatorit ekonomik e nevojshme për ekzekutimin e objektit të kontratës, është dokument që vërteton kapacitetin teknik dhe profesional të operatorit, përsa kohë janë në përpjesëtim me natyrën dhe përmasat e kontratës. Deklarimi dhe regjistrimi i punonjësve në regjistrin e sigurimeve është një detyrim ligjor i punëdhënësit e parashikuar nga Kodi i Punës, për rrjedhojë vërtetimi i lëshuar nga administrata tatimore e shoqëruara me listpagesat me këtë kohështirje është dokument vërtetues për qëndrueshmërinë e të punësuarve, përvojën e tyre, dhe janë në përpjesëtim me natyrën dhe përmasat e kontratës.

Po ashtu është një tregues i kualifikimit dhe eksperiencës që duhet të ketë kjo kategori e punonjësve. Vendosja e kriterit për një punësim të paktën 20 punonjësve duke përfshire dhe stafin teknik të kërkuar

që janë specialistë që do të merren drejtpërdrejt me prodhimin e produktit përfundimtar, është në përputhje me volumnin e punës, natyrën e prodhimit të mallrave objekt prokurimi.

Zotërimi i punonjësve të kërkuar në list-pagesa për 3 muajt e fundit, si një nga kërkesat themelore të kualifikimit, përveç besueshmërisë së operatorëve ekonomik, përpiket të kufizojë edhe problematikat sociale dhe shmangien e informalitetit në tregun e punës, po ashtu është edhe një tregues i kualifikimit dhe eksperiencës që duhet të ketë kjo kategori e punonjësve. Gjithshtu Autoriteti Kontraktor nëpërmjet këtij kriteri kërkon të dëshmojë qëndrueshmërinë e personelit të punësuar dhe njëkohësisht stabilitetin ekonomik në kuptimin e vazhdueshmërisë së kryerjes së pagesave financiare kundrejt personelit.

Nëpërmjet vendosjes së këtij kriteri synohet të arrihet:

1. Dëshmimi i kapacitetit teknik dhe profesional duke treguar që operatorët ekonomikë ofertues kanë punonjës aktivë dhe me eksperiencë për të përmbushur kontratën;
2. Verifikimi i pagesës së sigurimeve shoqërore dhe tatimore duke treguar që operatorët ekonomikë ofertues respektojnë detyrimet ligjore ndaj punonjësve. Kërkesë kjo e përcaktuar edhe në Formularin Përmbledhës të Vetëdeklarimit sipas së cilës operatori ekonomik duhet të deklarojë se ka paguar të gjitha detyrimet për taksat dhe kontributet e sigurimeve shoqërore, sipas legjislacionit në fuqi, ose ndodhet në një nga rastet e parashikuara në nenin 76/2 të LPP-së;
3. Parandalimi i marrjes së ofertave nga operatorë fiktivë duke kufizuar pjesëmarrjen e operatorëve ekonomikë që nuk kanë një aktivitet real, pjesëmarrja e të cilëve mund të rrisë nivelin e riskut për mos përmbushjen e detyrimeve kontraktuale.

Kriteri për kualifikim është vendosur që t'i shërbejë autoritetit për të njohur gjendjen e kapaciteteve të operatorëve të cilët nëpërmjet dokumentacionit të vërtetojnë se zotërojnë, kapacitetet teknike dhe profesionale, personelin e nevojshëm, si dhe kapacitetet organizative, gjithçka në funksion të realizimit me sukses të kontratës.

Kriteri i mësipërm është vendosur në zbatim dhe të Ligjit nr.15/2017 “Për arsimin dhe formimin profesional në Republikën e Shqipërisë” të ndryshuar; Vendimi 514, datë 20.09.2017”Për miratimin e listës kombëtare të profesioneve (LKP) të rishikuar” dhe Urdhërit nr.99, datë 25.05.2021 “Për miratimin e katalogut kombëtar të kualifikimeve profesionale”. Me anë të këtij kriteri kërkohet që operatorët ekonomikë të dëshmojnë që kanë stafin, personelin e nevojshëm të kualifikuar për realizimin me sukses të kontratës.

Punonjësit me specialitet e sipërpërmendura kërkohen në përputhje të plotë me objektin e prokurimit, duke qënë se një pjesë e madhe e artikujve të kërkuara janë mobilje druri ose materiale të tjera MDF, melaminë etj, të cilat do të prodhohen/montohen/aseblohen sipas përmasave dhe specifikimeve teknike të kërkuara në dokumentet e tenderit. Specifikimet teknike shprehin tërësinë e elementeve më të rëndësishme përbërëse, që garantojnë cilësinë e kërkuar, dhe në përputhje të plotë me funksionet e kërkuara nga Autoriteti. Ngjyra e mobiljeve është një element që nuk është

përfshirë në specifikimet teknike, pasi kjo do të përcaktohet nga Autoriti Kontraktor përfitues në momentin e realizimit, e cila do të jetë në varësi të preferencave të këtij autoriteti me qëllim përshtatjen e mobiljeve me amjentet ku do të vendosen. Argumentimi për stafin e kualifikuar të kërkuar për realizimin e objektit të prokurimit si më poshtë:

1 (një) inxhinier druri.

Sigurimi i cilësisë, qëndrueshmërisë dhe plotësimi i standarteve të produkteve: Një inxhinier druri ka aftësitë dhe njohuritë për të analizuar, përzgjedhur dhe trajtuar materialet e drurit, për të siguruar që mobiljet janë të qëndrueshme dhe rezistente në kohë. Ai mund të sigurojë që lëndët e para të përmbushin specifikimet teknike dhe që produkti përfundimtar të jetë i cilësisë së kërkuar nga Autoriteti Kontraktor. Mobiljet kanë të specifikuar disa standarte, dhe një inxhinier druri ka njohuritë e duhura për t'i zbatuar këto standarte gjatë procesit të prodhimit të tyre. Ai është i kualifikuar për të ndihmuar në përzgjedhjen e konstruksioneve të përshtatshme që sigurojnë stabilitetin, estetikën dhe qëndrueshmërinë e produkteve. Një inxhinier druri mund të mbykqyrë aspekte të sigurisë për produktet përfundimtare, që ato nuk paraqesin rrezik për përdoruesit e tyre. Rëndësia e kërkesës për staf të kualifikuar, për një inxhinier druri, qëndron në garantimin e cilësisë dhe përpunueshmërisë së produkteve me specifikimet teknike, për të reduktuar kostot dhe për të ofruar siguri dhe qëndrueshmëri në përdorimin e produkteve nga Autoriteti Kontraktor përfitues në këtë procedurë prokurimi.

2 (dy) marangoz/ mobilier/ montues mobiljesh/ përpunues druri:

Një marangoz/ mobilier/ montues mobiljesh/ përpunues druri ka njohuritë e duhura në lidhje me përpuniminin edhe montimin e saktë të pjesëve të mobiljeve. Ai është i aftë të zbatojë me saktësi udhëzimet teknike dhe të sigurojë që çdo pjesë e montuar të jetë në përputhje me specifikimet e kërkuara. Ky specialist ndikon në shmangjen e gabimeve që ndikojnë në cilësinë dhe jetëgjatësinë e mobiljeve, duke ulur riskun e defekteve dhe problemeve gjatë përdorimit. Cilësia, stabiliteti dhe siguria janë thelbësore për mobiljet që përdoren në ambjente publike, pasi montimi i gabuar i tyre mund të rrezikojë punonjësit që do t'i përdorin ato. Gjithashtu siguron që montimi/ asemblimi apo procese të tjera të punës të kryhen në përputhje me specifikimet teknike të kërkuara.

2 (dy) Bojaxhi/Ilustrues për prodhime druri

Një bojaxhi/ilustrues i prodhimeve të drurit profesionist siguron që mobiljet të kenë një përfundim të lëmuar dhe të qëndrueshëm, gjë që përmirëson dukshëm pamjen estetike të mobiljeve dhe i bën ato të përshtatshme për përdoruesit përfundimtar, vecanërisht kur mobiljet janë pjesë e ambjenteve publike. Përdorimi jo vetëm i bojës cilësore, por edhe aplikimi i duhur nga një specialist, rrit rezistencën e mobiljeve ndaj lagështisë, pluhurit, konsumimit apo faktorëve të tjerë të jashtëm dhe kjo bën të rritet qëndrueshmëria apo jetëgjatësia e tyre, duke ulur nevojën për riparime apo zëvendësime të shpeshta. Aplikimi i bojës nga një profesionist i kualifikuar ndihmon në shmangjen e defekteve si njollat, mbeturinat apo përhapje e pabarabartë e bojës, Bojaxhiu profesionist është i trajnuar për të zgjedhur bojërat që janë në përputhje me standartet e sigurisë dhe mjedisit, gjë që ndihmon në sigurimin e një mjedisi të sigurt për përdoruesit e tyre që janë punonjësit e Autoritetit Kontraktor përfitues. Kërkesa për një bojaxhi druri profesionist është një tregues i standarteve të larta të cilësisë në produktin përfundimtar.

Punonjësit e tjerë si shoferi dhe punonjësit e thjeshtë janë të domosdoshëm për transportin dhe punën ndihmëse që do të kryhet përgjatë të gjithë proceseve të zbatimit të kontratës. Duke qënë se mjetet e transportit mund të jenë edhe me qera, përveçse në pronësi, është gjykuar e arsyeshme që shofertët mund të diponohen edhe me kontraktim.

Këto mallra, në pjesën më të madhe të tyre nuk gjenden lirisht në treg me përmasat dhe specifikimet që kërkohen nga Autoriteti Kontraktor, pra kjo kontratë ka si proces prodhimin ose porosinë, e cila bëhet sipas Specifikimeve Teknike tek një prodhues, montimin ose asamblimin e mobiljeve, transportin dhe vendosjen e tyre në ambientet e Autoritetit Kontraktor përfitues.

Ky numër punonjësish është minimal që operatori ekonomik ofertues, jo vetëm prodhues por edhe tregëtues, duhet të kenë për zbatimin e kontratës. Kjo krijon bindjen e Autoritetit Kontraktor se operatori ekonomik duke patur një staf të kualifikuar, garanton produkte përfundimtare cilësor, të qëndrueshme dhe jetëgjatë, të punuara në përputhje të plotë me specifikimet teknike dhe me standartet e kërkuara në dokumentet e tenderit.

2.3.3 Operatori ekonomik duhet të ketë në stafin e tij personel të kualifikuar/çertifikuar si më poshtë:

1 (një) punonjës i cili duhet të disponojë:

- kontratën individuale të punës ose me kontratë shërbimi të specializuar jashtë ndërmarrjes;
- çertifikatë si "Përgjegjës për sigurinë dhe mbrojtjen e shëndetit në punë" në përputhje me parashikimet e Ligjit Nr. 10327 datë 18/02/2010 "Për sigurinë dhe shëndetin në punë", e cila të jetë e lëshuar nga shoqëri të akredituara ose nga organizma ndërkombëtare akreditues të njohur nga Republika e Shqipërisë.

Shënim: Kriteri nr.2.3.3 konsiderohet i -përbushur me plotësimin e formularit të vetëdeklarimit shtojca 9. Dokumentat e kërkuara më sipër do të paraqiten në rast se operatori kualifikohet i pari, por përpara publikimit të njoftimit të fituesit dhe nisjes së afateve të ankimit ose nëse kërkohen sqarime nga autoriteti kontraktor.

Argumentimi: Kërkesa e mësipërme është përcaktuar bazuar në nenin 3 të ligjit nr. 162, datë 23.12.2020 "Për prokurimin publik" i ndryshuar, nenit 26 të VKM-së nr.285, datë 19.05.2021 "Për miratimin e Rregullave të Prokurimit Publik" ku kërkohet kujdesi i shtuar për shëndetin dhe të sigurisë në punë të punonjësve, kërkohet deklarimi i zbatimit të rregullave për mbrojtjen e mjedisit dhe të punës për kompanitë.

AK vlereson që operatorët ekonomike pavaresisht nga natyra e tyre prodhues/perpunues apo tregtues duke qene se jane subjekte te punes aktive te personave me nivele te ndryshme kualifikimi, por dhe kane aktivitet ne kontakt me makineri, mjete, paisje dhe vegla pune, jane te ekspozuar ndaj rrezikut per demtimin e shendetit dhe aksidenteve nese ato nuk jane te njohur apo nuk jane nen kujdesin e personave me njohuri te shtuara ne mbrojtjen e shenteteit dhe sigurise ne pune, e ne kete menyre keta subjekte duhet te kene te punesuar individe te cilet pavaresisht detyres apo profesionit te tyre jane te ngarkuar edhe me detyren e Pergjegjesit per Sigurine dhe Mbrojtjen e

Shendetit ne Pune, detyre per te cilen ato jane aftesuar ne kurse, trajnime etj aktivitete dhe kane perfituar deshmi, certificate etj dokumente konfirmuese.

2.3.4 Operatori ekonomik ofertues duhet të paraqesë katalogët/ fragmente të katalogut ose skedat teknike për të gjitha artikujt objekt prokurimi. Këto dokumente duhet të përmbajë karakteristikat teknike të specifikimeve teknike të kërkuar në dokumentet e tenderit, me qëllim që autoriteti kontraktor të gjykojë nëse malli i ofruar plotëson kërkesat teknike të kërkuara.

Argumentimi: Ky kriter është vendosur në përputhje me nenit 77 të Ligjit Nr. 162, datë 23.12.2020 “Për prokurimin publik” të ndryshuar dhe pikën 6/b, të nenit 40, të VKM Nr. 285, datë 19.05.2021 “Për miratimin e rregullave të prokurimit publik” të ndryshuar. Kërkesa për paraqitjen e katalogëve/skedës teknike nga prodhuesi është një kërkesë e domosdoshme pasi i jep mundësinë Autoritetit kontraktor si Organ Qëndror Blerës verifikimin e përputhshmërisë së specifikimeve teknike të artikujve të ofertuar nga operatorët ekonomikë me specifikimet teknike të kërkuara.

Kërkesa për katalogun /skedës teknike ka disa avantazhe: Besueshmëria e informacionit: Një dokument teknik garanton që informacioni të jetë i saktë dhe i përditësuar. Përputhshmëria me specifikimet teknike: Siguron që produktet e ofruara përputhen me specifikimet teknike të kërkuara në dokumentet e prokurimit. Parandalimi i mashtrimeve: Redukton rrezikun e mashtrimeve ose të ofrimit të produkteve të falsifikuara.

Për sa më sipër AK krijon siguri dhe garanci se mallrat me të cilët do të furnizohet janë sipas specifikimeve të përcaktuara në DST. Ky katalog do të shërbejë gjithashtu edhe në procesin e marrjes në dorëzim të pajisjes objekt prokurimi nga Autoriteti Kontraktor përfitues për të kryer krahasueshmërinë e specifikimeve teknike gjatë marrjes në dorëzim të tij.

2.3.5 Operatori ekonomik pjesëmarrës, për transportin e mallrave objekt prokurimit duhet të disponojë, mjetet e mëposhtme:

Mjete	Sasia	Gjendja
Mjet për transportin e mallrave	2 copë	Pronësi ose me qera

a) Për mjetet me goma që shënohen në regjistra publikë duhet të paraqitet dokumenti që vërteton regjistrimin e mjetit (leje qarkullimi), plus certifikaten e kontrollit teknik (e vlefshme), siguracionin e mjetit (të vlefshme) dhe certifikata e pronësisë së mjetit.

b) Për mjetet e siguruara me qera, duhet të paraqitet dokumenti që vërteton regjistrimin e tij (leje qarkullimi), plus certifikaten e kontrollit teknik (e vlefshme), siguracionin e mjetit (të vlefshme), dhe certifikata e pronësisë së mjetit duhet të shoqërohet me kontratën perkatese të qerave.

Shënim: Kriteri nr.2.3.5 konsiderohet i përmbushur me plotësimin e formularit të vetëdeklarimit shtojca 9. Dokumentat e kërkuara më sipër do të paraqiten në rast se operatori kualifikohet i pari, por përpara publikimit të njoftimit të fituesit dhe nisjes së afateve të ankimit ose nëse kërkohen sqarime nga autoriteti kontraktor.

Argumentimi: Në bazë të nenit të 77, të ligjit nr. 162, datë 23.12.2020 “Për Prokurimin Publik” (i ndryshuar) dhe nenit 40, pika 5/ç, të VKM nr.285, datë 19.05.2021 “Për Miratimin e Rregullave të Prokurimit Publik” (e ndryshuar), me anë të këtij kriteri kërkohet që operatorët ekonomikë të sigurojnë Autoritetin Kontraktor se kanë mjete në dispozicion dhe se do të kryejnë transportin e mallrave objekt prokurimi, në adresat e përcaktuara nga Autoriteti Kontraktor përfitues. Ky kriter është vendosur si siguri, që operatori ekonomik do të kryejë shërbimin e transportit në kohë duke marrë parasysh se një pjesë e mallit do të shpërndahet në vendndodhje të ndryshme për Ministrinë e Arsimit dhe Sportit: Vendi i dorëzimit të mallit është pranë (shkollave të arsimit bazë dhe të mesëm) Sipas Aneksit Nr. 1 bashkëlidhur DST. Kërkesa për minimumi dy mjete është vendosur në propocion me sasinë e mallit që kërkohet dhe vendodhjen e objekteve të Autoritetit Kontraktor përfitues, ku do të depozitohet malli objekt prokurimi.

2.3.6 Operatori ekonomik ofertues duhet të jetë i pajisur dhe të paraqesë certifikata të lëshuara nga organizmat e vlerësimit të konformitetit, të akredituara nga organizmi kombëtar akreditues, ose organizma ndërkombëtare akreditues, të njohur nga Republika e Shqipërisë, në përputhje me objektin e prokurimit, si më poshtë:

- ISO 9001:2015 “Mbi sistemet e menaxhimit të cilësisë” (e vlefshme) ose ekuivalent;
- ISO 14001-2015 “Mbi Sistemet e menaxhimit të mjedisit” (e vlefshme) ose ekuivalent;
- ISO 45001:2018/ ISO 45001-2023 (të përditësuar) “Për Sistemin e Menaxhimit të Shëndetit dhe Sigurisë në Punë” (e vlefshme) ose ekuivalent.

Argumentimi: Ky kriter është vendosur në përputhje me pikën 1 të nenit 79 të Ligjit nr.162/2020 “Për Prokurimin Publik” i ndryshuar, në të cilën gjejmë të përcaktuar se: 1. Autoriteti ose enti kontraktor për të vërtetuar se punët, mallrat ose shërbimet, objekt prokurimi, i plotësojnë kërkesat e cilësisë, mund t’u kërkojë ofertuesve të paraqesin certifikatatë lëshuara nga një organ i vlerësimit të konformitetit, i akredituar nga organizmi kombëtar i akreditimit ose organizma ndërkombëtare akreditues, të njohur nga Republika e Shqipërisë. Kjo dispozitë zbatohet edhe kur kërkesat teknike u referohen kualifikimeve të kandidatit ose të ofertuesit. Ky kriter gjë mbeshtetje në pikën 1 të nenit 44 të VKM nr 285 datë 19.05.2021 “Për Miratimin e Rregullave të Prokurimit Publik” ku përcaktohet se: 1. Autoriteti/enti kontraktor, për të vërtetuar se punët, mallrat ose shërbimet, objekt prokurimi, i plotësojnë kërkesat e cilësisë, mund t’u kërkojë ofertuesve të paraqesin certifikata të lëshuara nga një organ i vlerësimit të konformitetit, i akredituar nga organizmi kombëtar i akreditimit ose organizma ndërkombëtare akreditues, të njohur nga Republika e Shqipërisë, vetëm nëse ato janë të argumentuara dhe të lidhura ngushtësisht dhe në mënyrë të drejtpërdrejtë me objektin e prokurimit. Sa më sipër, ky kriter shërben për njohjen e kapacitetit të operatorëve ekonomikë ofertues dhe aftësinë e tyre teknike dhe profesionale për të furnizuar artikuj cilësorë dhe që janë prodhuar / vendosur në treg sipas standardit të sipërpërmendur.

ISO 9001 ose ekuivalent përcakton kërkesat për një sistem menaxherial të cilësisë dhe mund të implementohet dhe të certifikohet nga çdo shoqëri, pavarësisht dimensioneve apo fushës së aktivitetit. (e nevojshme për objektin e prokurimit, të cilin AK kërkon të kryhet me cilësi dhe në

kohë). Duke parë objektin e prokurimit, autoriteti kontraktor vlerëson të nevojshme të kërkojë që operatorët ekonomikë ofertues të jenë të pajisur me certifikata të cilësisë në përputhje me objektin e prokurimit, me qëllim që furnizimet të kryhen me cilësi sipas certifikatës ISO të mësipërme.

AK Vlerëson të nevojshëm certifikimin e subjekteve ofertues me ISO 14001 ose ekuivalent, me qëllim garantimin se operatori ekonomik gëzon konfirmimet e nevojshme nga organizmi i vlerësimit të konformitetit, se ka ndërmarrë masa proaktive me qëllim minimizimin e ndikimit negativ në mjedis, si dhe zbaton kuadrin rregullator përkatës në fuqi për mbrojtjen e mjedisit. Kjo qasje proaktive ndaj menaxhimit mjedisor mund të rezultojë në përfitime të prekshme, të tilla si reduktimi i mbetjeve, ruajtjes së energjisë dhe kursimeve të kostos.

ISO 45001 ose ekuivalent është një standard ndërkombëtar që specifikon kërkesat për një sistem të menaxhimit të shëndetit dhe sigurisë në punë. Ai siguron një kornizë për organizatat për të menaxhuar rreziqet dhe për të përmirësuar performancën. Përfitimet e këtij kualifikimi; Kuadri për të menaxhuar në mënyrë sistematike rreziqet; Ulja e incidenteve dhe lëndimeve në vendin e punës; Përkushtim i demonstruar për shëndetin dhe sigurinë e punëtorëve.

2.3.7 Operatori ekonomik duhet të paraqesë “Certifikatë produkti/ Certifikatë Testimi/ Raport testimi, për artikujt e kërkuar si më poshtë:

- **Tavolina nxënësi cikli ulët/ cikli lartë** - produkt i certifikuar në përputhje me standartin SSH EN 1729-1: 2015 (SSH EN 1729-1:2015/AC:2016), Mobilje – Karrige dhe tabela për institucionet arsimore - Pjesa 1: Përmasat funksionale, Mobilje – Karrige dhe tabela për institucionet arsimore SSH EN 1729-2: 2023 Mobilje – Karrige dhe tabela për institucionet arsimore – Pjesa 2: Kërkesat e sigurisë dhe metodat e provës ose e njëvlefshme dhe e përditësuar.
- **Karrige nxënësi cikli ulët/ cikli lartë** - produkt i certifikuar në përputhje me standartin SSH EN 1729-1: 2015 (SSH EN 1729-1:2015/AC:2016), Mobilje – Karrige dhe tabela për institucionet arsimore - Pjesa 1: Përmasat funksionale, Mobilje – Karrige dhe tabela për institucionet arsimore SSH EN 1729-2: 2023 Mobilje – Karrige dhe tabela për institucionet arsimore – Pjesa 2: Kërkesat e sigurisë dhe metodat e provës ose e njëvlefshme dhe e përditësuar.
- **Karrige për mësues me tapiceri** - produkt i certifikuar në përputhje me standartin SSH EN 1335-1: 2020+A1:2022 (SSH EN 1335-1:2021/AC:2016), Mobilje zyre – Karrige pune për zyra - Pjesa 1: Dimensionet – Përcaktimi i dimensioneve ose e njëvlefshme dhe e përditësuar, SSH EN 1335-2: 2018 (Mobilje për zyra – Karrige për zyrë- Pjesa 2: Kërkesat e sigurisë) ose e njëvlefshme dhe e përditësuar.
- **Dollap për klasa DS CEN/TR 14073-1:2004** - Mobilje zyre – Ruajtja e mobiljeve- Pjesa 1: Përmasat; **SSH EN 14073-2:2004** - Mobileri për zyrat – Mobileri për ruajtje – Pjesa 2: Kërkesat e sigurisë; **SSH EN 14073-3:2004** - Mobileri për zyrat – Mobileri për ruajtje - Pjesa 3: Metodatat e provës për përcaktimin e qëndrueshmërisë dhe forcës së strukturës;
- **SSH EN 14074:2004** - Pajisje për zyrat –Tavolina dhe tavolina pune dhe mobileri për ruajtje Metodatat e provës për përcaktimin e rezistencës dhe kohëzgjatja e pjesëve të lëvizshme- Kërkesat e sigurisë) ose e njëvlefshme dhe e përditësuar.

- **Tavolinë nxënësi dyvendëshe për kompjuter - Arsimi i Mesëm (Tavolinë IT)** produkt i certifikuar në përputhje me standartin SSH EN 1729-1:2015 (SSH EN 1729-1:2015/AC:2016), Mobilje – Karrige dhe tabela për institucionet arsimore - Pjesa 1: Përmasat funksionale, Mobilje – Karrige dhe tabela për institucionet arsimore SSH EN 1729-2: 2023 Mobilje – Karrige dhe tabela për institucionet arsimore – Pjesa 2: Kërkesat e sigurisë dhe metodat e provës ose e njëvlefshme dhe e përditësuar.
- **Tavoline zyre:** produkt i certifikuar në përputhje me standartin SSH EN 527-1: 2011 Mobilje zyrash –Tavolinat e punës dhe tryezat - Pjesa 1: Përmasat ose e njëvlefshme dhe e përditësuar, SSH EN 527-2:2016 + A1:2019 Mobilje për zyra tavolina pune - Pjesa 2: Kërkesat e sigurisë, fortësisë dhe qëndrueshmërisë ose e njëvlefshme dhe e përditësuar. SSH EN 13721:2023 **Mobilje** – Vlerësimi i reflektimi të sipërfaqes ose e njëvlefshme dhe e përditësuar.
- **Tavolinë mbledhjeje e madhe** produkt i certifikuar në përputhje me standartin SSH EN 527-1: 2011 Mobilje zyrash –Tavolinat e punës dhe tryezat - Pjesa 1: Përmasat ose e njëvlefshme dhe e përditësuar, SSH EN 527-2:2016 + A1:2019 Mobilje për zyra tavolina pune - Pjesa 2: Kërkesat e sigurisë, fortësisë dhe qëndrueshmërisë ose e njëvlefshme dhe e përditësuar.

Shënim: Çertifikatat e kërkuara duhet të jene te vlefshme per gjate periudhes se realizimit te procedures se prokurimit. Certifikatat e mesiperme duhet te jene origjinale ose te njehsuara me originalin (kopje e noterizuar). Certifikatat e mesiperme duhet te jene te leshuara nga nje organ i vleresimit te konformitetit, i akredituar nga organizmi kombetar i akreditimit ose organizma nderkombetare akreditues, te njohur nga Republika e Shqiperise. Ne rastet kur oferta dorezohet nga nje BOE, operatoret duhet te disponojne dokumentacionin e kerkuar ne perputhje me raportin e pjesemarrjes ne furnizim, te percaktuara ne akt marreveshje.

Argumentim: Ky kriter është vendosur në baze te nenit te 79 “Standardet e sigurimit te cilesise dhe standardet e menaxhimit mjedisor” , te ligjit nr. nr. 162, date 23.12.2020 “Per prokurimin publik” dhe nenit 44 “Kerkesat e cilesise” VKM nr. 285, date 19.05.2021, “Per miratimin e Rregullave te Prokurimit Publik” i ndryshuar dhe me autoritetin dhe kompetencen qe percaktohet ne kete legjislacion *Autoriteti kontraktor kerkon nga Operatori ekonomik/Bashkimi i operateve ekonomike pjesemarres dhe konkurreues ne kete procedure dorezimin sipas artikujve qe marrin persiper per furnizim, qe duhet te paraqesin dokumentacion teknik certifikues i cili perfshin “Certifikate/Certifikate testimi” vetem per nje pjese te vogel te artikujve ne liste.*

Ne kete menyre eshte bere kujdes qe kerkesa per dokumentacion teknik verifikues dhe konfirmues te cilesise te mos shtrihet ne te gjitha artikujt e listes duke renduar operatoret ekonomik, ndonese ato duhet vete te demostrojne reputacionin e kompanise ne drejtim te cilesise se produkteve qe ofrojne nepermjet posedimit te certifikatave te produkteve te cilat jane konfirmim i kalimit te testeve te caktuara ne laboratore te specializuar.

AK ka kerkuar si dokument “Certifikate/Certifikate testimi” te produkteve koresponduese e standardeve te mesiperme, por operatori ekonomik mund te paraqese Certifikata me reference

standarde ekuivalente duke bere shpjegimin dhe duke i bere te qarte operatorit se cfare perfaqeson ne kete rast ekuivalenca e vertifikatave.

Kushti eshte vendosur krejtesisht ne perputhje me procedurat profesionale duke ditur qe zanafilla e cdo dokumenti konfirmues dhe te perputhshmerise me standarde te vecanta eshte kalimi i testeve laboratorike.

Pra cdo dokument i leshuar ka baze konfirmimin ne kete rast pozitiv te rezultateve testuese laboratorike.

Asnje dokument konfirmues dhe referues ne standarde specifike nuk leshohet pa kryerjen e testeve. Ne kete rast AK vendos ne pozita te barabarta te gjithe operatoret.

Theksojme se Deklarata per respektimin e specifikimeve teknike nuk zevendeson dokumentacionin teknik sepse certifikimi lidhet me veti te fshehta te produktit qe nuk konfirmohen as evidentohen nga vzhgimi i jashtem i mallit (karakteristika te fshehta te produktit) por mund te shfaqen apo zbulohen ne cdo moment nga vete produkti apo me kalimin e kohes edhe jashte afateve te garancise.

2.3.8 Operatori ekonomik duhet te deklaroje sipas tabelës 1 nese eshte prodhues ose sipas tabelës 2 nese eshte **tregtues i autorizuar** nga prodhuesi ose **distributor i autorizuar nga prodhues** per mallrat objekt prokurimi.

Tabela 1. Forma e deklarimit per operatorin ekonomik qe paraqitet si prodhues/perpunues i mallit.

Nr.	Emertimi i produktit	Vendi i origjines se mallit
1		
2		
Etj.,		

Tabela 2. Forma e deklarimit per operatorin ekonomik qe paraqitet si tregtues i autorizuar nga prodhuesi ose distributor i autorizuar nga prodhuesi/perpunuesi.

Nr.	Emertimi i produktit	Vendi i origjines se mallit	Prodhuesi/ Distributori i autorizuar nga prodhuesi/perpunuesi
1			
2			
Etj.,			

Argumentim: Kërkesa e mësipërme është bazuar në nenin 77 pika 4 të ligjit nr. 162, datë 23.12.2020 “Për prokurimin publik” të ndryshuar dhe nenit 40, pika 6/a, të VKM nr. 285, datë 19.05.2021, “Për miratimin e Rregullave të Prokurimit Publik”, AK gjykon se për çdo artikull vlerësohet realisht aktiviteti që merr përse për të realizojë operatori ekonomik pra OE respektiv do të jetë në rolin e prodhuesit apo tregëtuesit, vlerësohet origjina e produktit duke marrë një informacion edhe mbi reputacionin e prodhuesit të parë, si dhe gjykon mbi riskun që mund të ketë realizimi i kontratës nga përfshirja në realizimin e kontratës e subjekteve të tjera që në shumë raste nuk janë me aktivitet në Shqipëri.

Nderkohe subjektet ofertuese në bazë të plotësimit të tabelave të sipërcituara pozicionohen në plotësimin e kërkesave të tjera që lidhen me numrin e punonjësve, profesionistët që duhet të disponojnë sipas profesioneve bazë dhe me të rëndësishme të kërkuara, ambientet e disponueshme në pronësi apo me qira etj.

2.3.9 Operatori ekonomik, në ditën dhe orën e hapjes së ofertave duhet të paraqesë mostra të **lëndës së parë** që do të përdoret për prodhimin e zërave me nr. rendor **1,3,16** të Shtojcës Nr. 7 të DST-së në përmasat 50cm x 50cm dhe mostra për artikujt me nr. rendor **2, 8** të Shtojcës nr. 7.

- OE ofertues në ditën dhe orën e hapjes së procedurës, duhet të paraqesë nga një mostër të cilat duhet të jenë në përputhje me specifikimet teknike të përcaktuara në shtojcë “Specifikimet Teknike” të DST-së.
- Për çdo artikull “mostër” të dorëzuar, duhet që të jetë bashkelidhur me mostren etiketa e firmosur dhe vulosur me treguesit kryesore të kompanisë dhe procedurës.
- Mosparaqitja e mostrave jo në kohën e përcaktuar si dhe jo sipas specifikimeve teknike, përbën kusht skualifikimi.

Argumentim: Kërkesa e mësipërme është përcaktuar bazuar në nenin 77 të ligjit nr. 162, datë 23.12.2020 “Për prokurimin publik” të ndryshuar dhe nenit 40, pika 6, gërma a) të VKM nr. 285, datë 19.05.2021 “Për miratimin e Rregullave të Prokurimit Publik”, të ndryshuar. Autoriteti kontraktor ka gjykuar të arsyeshme paraqitjen e mostrave, duke marrë në konsideratë vlerën e tyre, si dhe me qëllim verifikimin e specifikimeve teknike që ka secili artikull objekt prokurimi, duke krijuar kështu bindjen për ofrimin e artikujve që përmbushin kërkesat e DST. Me anë të këtij kriteri, kërkohet që të verifikohet përputhshmëria e specifikimeve teknike, të përcaktuara në dokumentet e tenderit me artikujt e ofruara nga operatori ekonomik pjesëmarrës. Mostrat i kthehen ofertuesit, me kërkesën e tij, brenda 30 (tridhjetë) ditëve pas nënshkrimit të kontratës ose marrëveshjes kuadër, me kusht që kontrata në fjalë të mos jetë objekt i shqyrtimit administrativ apo gjyqësor. Në rastin kur procedura e prokurimit anulohet, mostrat i kthehen ofertuesit, me kërkesën e tij, brenda 30 (tridhjetë) ditëve nga data e marrjes së vendimit përfundimtar të anulimit.

2.3.10 Operatori ekonomik duhet të lëshojë një deklaratë për periudhën minimale 1(një) vit të garancisë së mallrave objekt prokurimi nga data e dorëzimit të mallit, gjatë së cilës ofertuesi do të sigurojë riparimin e defekteve për shkak të prodhimit dhe montimit.

Argumentim: Kërkesa e mësipërme është përcaktuar bazuar në nenin 77 pika 4, të ligjit nr. 162, datë 23.12.2020 “Për prokurimin publik” të ndryshuar dhe pika 8 e nenit 40, të VKM nr. 285, datë 19.05.2021, “Për miratimin e Rregullave të Prokurimit Publik”. Me anë të këtij kriteri kërkohet që operatorët ekonomikë të deklarojnë se marrin përsipër periudhën e garancisë për mallin e prokuruar. Kjo deklaratë shërben si garanci për Autoritetin Kontraktor që malli i lëvruar është në përputhje me specifikimet teknike dhe në rast defekti që vjen nga prodhimi ose të cilësia të ndodhur brenda periudhës së garancisë, të kryhet zëvendësimin ose riparimi i tyre pa pagesë nga operatori ekonomik.

2.3.11 Operatori ekonomik pjesëmarrës, duhet të paraqesë një **deklaratë** me anë të së cilës merr përsipër të kryejë **shërbimin e transportit** të mallit në adresat përkatëse sipas përcaktimeve në këto dokumente të tenderit.

Argumentim: Kërkesa e mësipërme është përcaktuar bazuar në nenin 77 pika 4 të ligjit nr. 162, datë 23.12.2020 “Për prokurimin publik” të ndryshuar dhe nenit 40, pika 8, të VKM nr. 285, datë 19.05.2021 “Për miratimin e Rregullave të Prokurimit Publik”, të ndryshuar. Me anë të këtij kriteri kërkohet që operatorët të sigurojnë autoritetin kontraktor se objekti i prokurimit do të realizohet në kohë dhe cilësi dhe në vendet e caktuara nga Autoriteti Kontraktor përfitues. Në vendosjen e këtij kriteri organi qendror blerës ka në vëmendje zbatimin e kontratës, në cilësinë e fazës më të rëndësishme të ciklit të prokurimit.

2.3.12 Operatori ekonomik duhet të paraqesë një deklaratë, me anë të së cilës deklaron se artikujt objekt prokurimi do të jenë të reja, të papërdorura më parë dhe pa dëmtime estetike apo në strukturë.

Argumentim: Kërkesa e mësipërme është përcaktuar bazuar në nenin 77 pika 4, të ligjit nr. 162, datë 23.12.2020 “Për prokurimin publik” i ndryshuar dhe pika 8 e nenit 40, të VKM nr. 285, datë 19.05.2021, “Për miratimin e Rregullave të Prokurimit Publik” i ndryshuar. Me anë të këtij kriteri kërkohet që operatorët ekonomikë të realizojnë objektin e prokurimit në përputhje me kërkesat e specifikimeve teknike, duke furnizuar mallra cilësorë dhe pa dëmtime estetike apo në strukturë, deri në ambjentet e Autoritetit Kontraktor përfitues.

Të gjitha dokumentet duhet të jenë origjinale ose kopje të noterizuara.

Rastet e mosparaqitjes së një dokumenti, ose dokumente me të dhëna të rreme ose të pasakta, konsiderohen kushte për skualifikim.

Kriteret për kualifikim vendosen që t’i shërbejnë autoritetit kontraktor për njohjen e gjendjes dhe kapaciteteve të operatorëve ekonomikë, të cilët, nëpërmjet dokumentacionit të paraqitur duhet të vërtetojnë se zotërojnë kualifikimet e nevojshme teknike, profesionale, kapacitetet ekonomike, financiare dhe organizative, makineritë, pajisjet e asete të tjera fizike, reputacionin dhe

besueshmërinë, përvojën e duhur, si dhe personelin e nevojshëm, gjithçka në funksion të realizimit me sukses të kontratës.

II. Argumentimi i specifikimeve teknike :

Specifikimet teknike janë hartuar dhe miratuar nga autoriteti kontraktor përfitues Ministria e Arsimit dhe Sportit, në përputhje me nenin 36 të ligjit nr.162/2020 “Për Prokurimin Publik”, i ndryshuar si dhe nenin 40 të VKM nr. 285, datë 19.05.2021 “Për miratimin e rregullave të prokurimit publik”, i ndryshuar.

Specifikimet teknike shprehin tërësinë e elementeve më të rëndësishme përbërëse, që garantojnë cilësinë e kërkuar, dhe në përputhje të plotë me funksionet e kërkuara nga Autoriteti Kontraktor përfitues.

Çdo standard i kërkuar apo çdo referencë marke të mallrave objekt prokurimi, autoriteti kontraktor do të pranojë edhe ekuivalentin e tij.

Transporti/montimi dhe vendosja e mallrave objekt prokurimi në ambjentet e përcaktuara nga Autoriteti Kontraktor përfitues do të realizohet nga operatori ekonomik fitues.

Për të krijuar dosjen e tenderit në sistemin e prokurimit elektronik të APP dhe për të ngarkuar të gjithë dokumentacionin e procedurës së prokurimit Njësia e Prokurimit autorizoi personin përgjegjës për prokurim.